

國民 文獻 分類 編續

國家圖書館出版社



民國文獻類編續編

教育卷



692

民國時期文獻保護中心
中國社會科學院近代史研究所
編



民國文獻類編續編



教育
卷
692



民國時期文獻保護中心
中國社會科學院近代史研究所
編

國家圖書館出版社

第六九二冊目錄

京師第九兩等小學校同學錄	一九一三年出版	一
全校的朝會紀要	北京女子師範大學附屬小學校編	北京女子師範大學附屬小學校，
一九二六年出版		三三
北京匯文第一小學七十周年紀念刊	北京匯文第一小學編	北京匯文第一小學，
一九四〇年出版		一五一
北平市普勵小學校概覽	普勵小學校編	普勵小學校，一九三二年出版
北平市立第三十二小學校設施概況	北平市立第三十二小學校編	北平市立
第三十二小學校，一九三三年出版		三二五
天津市市立短期小學校設學要覽	民國間出版	
.....		三四七

師 京
校 學 小 等 兩 七 卷

同
學
錄

同學錄序

余自師範畢業後。濫等於小學校之教師。已八載餘矣。門下士不下數百人。其中英才碩彥。他日為國家柱石者。固實繁有徒。而庸碌無奇。與草木同腐者。亦自不少。夫子才難之歎。豈欺我哉。此固由於余之教育不良。實亦由於余之數奇也。何幸民國成立。各校正式開幕之期。余就友人沙君駿聲之聘。得充京師九學高等教師。擔任高等二學年主任。夙夜戰兢。惟恐貽誤後生。蓋此級之人才。實非余曩日之門下士所可比也。五星聚魁。英豪萃集。即此級之人才也。其怡快為何如乎。若夫風雨鷄窗。朝斯夕斯。蓋已一年有半矣。至於感情之聯絡。臭味之融洽。又非等閒者所能喻也。惟光陰轉瞬。物態易遷。茲者已屆畢業之期。聚多數之英才。功成學就。萃難得之俊彥。德進才全。其愉快為又何如乎。由是昔之同堂聚首者。今將分道揚鑣矣。昔

之朝會夕晤者。今將地北天南矣。言念及此。余將何以遣諸君子乎。此臨別之所以宜贈言也。何以贈言。惟深願諸君子。自茲以往。竿頭更當日進。學術益宜日增。今日為莘莘之學子。他日即佼佼之奇才。是則余之所深望者也。況民國創始。百端待理。易老大而為少年。此少年中國。尤須待少年英豪之輔治也。余躬逢盛舉。有不欣慕者哉。恰屆同學錄刊印之期。不揣冒昧。聊具蕪詞。既可作臨別之贈言。又可作畢業之紀念。即余八載之苦況。亦可從茲快慰矣。是為序。

中華民國二年十二月蘇初劉敦本

序於京師第九初
高等小學校舍

明成祖遣鄭和下西洋論

陳宗祥

我國之所以衰弱者。非無因矣。西國之所以富強者。亦非偶然也。予讀史至明成祖遣鄭和下西洋知之事。不覺五內為之恍然也。當古之時。閉關自守。老死不相來。欲求一人往他國。以宣威德。文教豈可得哉。而明成祖獨遣鄭和探險於西洋。其勇。豈後人所能及乎。日在驚濤駭浪間。而終能達西洋者。其毅力誠非庸衆所能及也。至數年而歸。非智勇兼全。而能如是乎。惜乎鄭和之後。無人相繼。故我國之文教不能傳之於西洋。中國之弱。實原於斯也。而西國不然。與我國通商最早者。其惟葡萄牙國乎。其國往東來之船。或數艘。或數十艘。其至者。不過一二。其餘不觸礁石。即為魚蝦之餌矣。殆可危也不意西國不畏其危。而來者反日加多。果何為哉。不過為通商傳教而已矣。由此觀之。西國之強。信非偶然矣。今之所謂探險家者。皆推西國

之人。以吾觀之。明之鄭和。誠為西國探險之鼻祖。然歟否歟。

布局有法。詞亦沛充。

張士傑守厓山論

顧友琦

古之名將。有以勇著者。有以謀著者。有以勇謀兼著者。與其勇勝於謀。何如謀勝於勇。何則。勇雖常勝。而不能不濟之。以謀。謀雖偶敗。而仍不失其為勇。其敗也。亦人敗之耳。非守戰之罪也。彼以成敗論英雄者。烏足以語此。吾嘗讀宋史。見夫張士傑守厓山。效義攄忠。播越波濤。寄身海島。朝衣淚濕。是時。胡人歌宋人泣。北人悅。南人悲。血流浮尸。洋水渾濁。朝夕係於滅亡。成敗分於頃刻。孰意張氏之身。葬於魚腹。豈不可痛乎。然論者多謂其守厓山。勇有餘。而謀不足。士傑豈不知兵精則戰。糧足則守乎。敵犯屢侵。力戰相拒。事之所迫。不得已耳。豈士傑勇有餘。謀不足乎。若夫歷世之殉國者。不可勝數。南宋之

末負帝赴海。從死於厓山者。陸秀夫也。悲歌慷慨。國亡後死者。文天祥也。焚香祝天厓山。堅守者。張士傑也。三者其死不同。其心一也。一者何也。義之盡。仁之至也。

清空一氣。有色有聲。

石敬瑭割燕雲十六州於契丹論

魏增祥

古者立國之道。天子守在四夷。要荒之外。但事羈縻。既不挑之。生釁又不倚之。以為援而為夷狄者。亦惟恭奉正朔。勤修職貢。而不敢薦食乎上國。所以郊圻安謐。邊境弭平。從無以堂堂中國而反以土地拱手與人者。有之。自石敬瑭割燕雲十六州於契丹始。夫敬瑭為唐之懿親。鎮守河東。即與潞王有嫌隙。亦宜束身歸朝。是非自可立白。即不得已而為自全計。亦不可仗義興師。俟人心歸附。徐圖大事。乃輕信奸謀。交結異類。不獨奉表稱臣。且舉十六州之地以賂之。夫土

地為國家之寶。敬塘十六州割於契丹。北方之咽喉入於外人。掌握而中國之權操於狄人。今中國之所以不强者。推其源始。皆石敬瑭之罪也。夫敬瑭為方面連帥。奪莊宗之遺業。謀李氏之山河。乃忍捐棄疆土。竟拱手於契丹。其罪大也。嗚呼。得國於契丹。受累於契丹。後世有國者。可不以石敬瑭為戒哉。悲夫。

責備無遺。淋漓痛快。

論鐵路輪船之利益

祝承熙

美以哉。宇宙之萬物也。仰而觀之。晝則日光。夜則月色。名山萬丈。巨川千里。余昔日偶乘小車遊。但見道路險惡。歷數旬而不見奇特之觀。美麗之景。余頗厭之。舍路登舟。則見古木沿岸而生。秋水長天一色。余方快甚。以為可窮無限之景。未幾風浪大發。舟幾覆。余不禁駭目驚心。遂舍舟而歸。嘆曰。天地江山之奇。終不得而知也。茲者築鐵

路造輪船。中外互通。全球可至。遂又遊於滄上。頃刻乃至。余適見之。因讚曰。是機何其速也。千里之遙。須臾可至。海面之上。又無風濤之患。斯可謂交通之利益也。噫嘻。吾國自上古時代。交通阻滯。南北各異。一山一河之隔。猶若兩國。其民間往來交涉之事。各隨風俗而殊。以致爭鬪之事出焉。其無鐵路輪船之害。為何如乎。今京漢鐵路通於南北。正太鐵路便於東西。此外如奧漢京榆各鐵路。均通各省。而便交通。航路則有招商局。直達海外。由是觀之。吾國之富強。指日可待矣。

文筆奇異。詞亦清腴。

先農壇致祭先烈文

楊澤

七
維民國二年十月十日。中央政府致祭先烈於先農壇。國民畢。至少長咸集。皆衣冠肅整。奠祭於烈士壇前。見烈士肖像威儀。可敬。軍械

陳列森嚴。可畏。余感諸烈士之死。因為文而弔之。蓋以表寸心也。其辭曰。事有出於意外者。中華政體之革新。非為民福之所希。孰使華盛頓復現於今。余既博觀乎天下。誰能及乎諸君。嗟乎。共和之成立。非諸君其為誰。武昌起義。兮。戰艦雲集。健兒殞命。兮。頭顱遍地。專制掃除。兮。君命不惜。滿清至此。兮。追悔何及。苟非諸君之提援。兮。吾人終不能脫於水火之溺。若乃諸君之死。兮。身死而名揚。目的達到。兮。雖死而何傷。慕君勲功。兮。書載而史詳。慕君尊榮。兮。立碑而鑄像。聖人云。自古皆有死。孰似諸君之榮光。諸君其有靈。兮。望魂魄而來享。嗚呼。哀哉。伏維尚饗。

語語沈痛。祭文正宗。

先農壇致祭先烈文

烈士者。蓋當去歲推專制而死於前敵之人也。今日共和告成。而烈

安慶瑞

士諸公。則不知今世如何景狀。良可悲矣。茲於民國二年十月初十日。政府命諸君於先農壇。舉行紀念大會。馨香俎豆。以祭之。僕聞之。遂趨赴往觀。見其地勢寥朗。寬闊塵飛。紅樹影交錯。參差天遙。映碧車行如水。馬馳如龍。其繁盛為何如乎。及至烈士壇。仰見影像高懸。四壁氣體雄偉。衣冠陳於錦匣。余因置酒以祭之。並為文以弔之。其辭曰。憶當日從戎。今不知艱辛幾許。縱橫沙場。今闕於鎗林彈雨。實千古之所稀。分使余贊嘆而不能已。俎豆千秋。今萬古之英名不洗。余觀夫烈士之所為。不由感慨而自傷。與其浮生之無聞。何若效死而名揚。自古死者不一。烈士至今猶有耿光。踞陳辭而薦酒。魂髻髻而來亨。

音調不俗語多中肯

論閱報與宣講之利益

江崇惠

山中之璞。本如頑石。掘而琢之。美玉露矣。室中之鏡。閉以污塵。拂而拭之。羣影見矣。吾人之智。亦如是也。智不敏。則愚。若日精於勤。久則必日進於高明也。故秦西之人。如其智能。明敏者。皆日求進步。此富強之原因也。然吾國人。於四百兆中心。不愚而敏者。幾希。心不昧而明者。又幾希。蓋欲求上智。百人中不過一二人也。故開報館。輔助社會。開通智識。設宣講所。改良風俗。以起後進國之於民。可知矣。而吾民。豈可不閱報。與聽宣講哉。夫報與宣講者。吾人親之。可增長智識。可速求進步。其利益為何如也。言念及此。非閱報宣講。奚能得此效。果乎。吾人若求增長智識。則閱報宣講。與璞之琢。鏡之拭。又何異也。故吾人必當閱報。與聽宣講也。

起筆甚佳。餘亦可觀。

先農壇致祭先烈士文

包桂蔭

維民國二年十月十日。為我政府祭先烈士於先農壇之期。余亦齋戒三日。從眾往祭之。但見女綠男紅。魚貫蟬聯。未數武。至慶成宮。乃見有烈士遺貌。凜然如生。回憶武昌起義。不知擲若干之頭。顧廢無數之熱血。遂不覺肅然生感。乃為文以祭之。其辭曰。續留當世。死傳千古。氣質深厚。精華吞吐。武夫赴赴。鬪戰何苦。謀求共和。分曾逝海。外推倒專制。分成功武。揚見君之小影。分鬚髮皆張。奔走號呼。分顛沛何傷。自古皆有死。君等至今有耿光。陳辭且薦。以酒魂髣髴而來。享吁嗟乎。痛哉哀哉。敬惟尚饗。

詞調鏗鏘 古音古節

文天祥史可法合論

王士魁

自古之盡忠。心效義勇。輕生死。臨大節。挽狂瀾。於既倒。扶神州。於傾危。竭節致死。於國家。鞠躬盡瘁。於社稷。者孰有過於宋末之文天祥。

明末之史可法哉。當天祥之起兵勤王也。倡議孤軍。誓死效命。勤王令下。奮發獨先。以恢克社稷。為先圖。以光復舊物。為己任。盡志竭誠。窮勞盡瘁。徒惜孤立。無援。勢力微單。以至有被囚之禍。然觀其從容赴難。九死靡悔。危急不易其素。窮困不離其道。真耿介拔俗之舉。一世之英雄哉。不意三百餘年。又見之史可法也。當其揚州固守。致書滿清。而明室僅具山河半壁矣。又當危急存亡之秋。懸巖立馬。之月。而可法獨剛毅不屈。堅貞不餒。以領土不復為憂。以閭閻不安為恥。孰知君則耽於逸樂。而孤立於上。臣則讒慝奸婪。而弄權於下。雖使天祥復生。與可法表裏展籌。雙方盡志。亦無能為力矣。嗚呼。殺身成仁者。文天祥也。舍生取義者。史可法也。雖英聲千秋照耀。忠義萬古留芳。讀史者。未嘗不為之扼腕。考古者。未嘗不為之傷心也。

爐火純青精金百鍊